

არასამეწარმეო არაკომერციული იურიდიული პირი
(ააიპ) „ჩერნოვეცკის ფონდი“

ფულადი სახსრების მიღებისა და გახარჯვის ანგარიშგება
დამოუკიდებელი აუდიტორის დასკვნასთან ერთად
2023 წლის 31 დეკემბერს დასრულებული საანგარიშგებო
წლისათვის

არასამეწარმეო არაკომერციული იურიდიული პირი
(აიიპ) „ჩერნოვეცის ფონდი“

ფულადი სახსრების მიღებისა და გაზარდვის ანგარიშგება
დამოუკიდებელი აუდიტორის დასკვნასთან ერთად
2023 წლის 31 დეკემბერს დასრულებული საანგარიშგებო
წლისათვის

დამოუკიდებელი აუდიტორის დასკვნა3

ფულადი სახსრების მიღებისა და გახარჯვის ანგარიშგება5

ფულადი სახსრების მოძრაობის ანგარიშგების განმარტებითი შენიშვნები

1. ზოგადი ინფორმაცია6

2. მომზადების საფუძვლები6

3. იურიდიული პირების მიერ განხორციელებული შენატანები6

4. პროგრამა სპეციალური საჭიროება ბენეფიციარებს6

5. ადმინისტრაციული ხარჯები7

6. ოპერაციები დაკავშირებულ მხარეებთან7

დამოუკიდებელი აუდიტორის დასკვნა ფულადი სახსრების მიღებისა და გახარჯვის ანგარიშგების აუდიტზე**აიპ „ჩერნოვეცის ფონდის“ დამფუძნებელსა და ხელმძღვანელობას****მოსაზრება**

ჩავატარეთ აიპ „ჩერნოვეცის ფონდის“ (შემდგომში - „ორგანიზაცია“) თანდართული ფულადი სახსრების მიღებისა და გახარჯვის ანგარიშგებისა და ფულადი სახსრების მიღებისა და გახარჯვის ანგარიშგების განმარტებითი შენიშვნების (ერთობლივად მოხსენიებულნი, როგორც „ფულადი სახსრების მიღებისა და გახარჯვის ანგარიშგება“) აუდიტი 2023 წლის 31 დეკემბრით დასრულებული წლისთვის.

ჩვენი აზრით, წარმოდგენილი ფულადი სახსრების მიღებისა და გახარჯვის ანგარიშგება, ყველა არსებითი ასპექტის გათვალისწინებით, მომზადებულია ფულადი სახსრების მიღებისა და გაცემის ბუღალტრული აღრიცხვის საფუძველზე, რომელიც აღწერილია ფულადი სახსრების მიღებისა და გახარჯვის ანგარიშგების მე-2 შენიშვნაში.

მოსაზრების საფუძველი

აუდიტს წარმართავდით აუდიტის საერთაშორისო სტანდარტების (ასს-ების) შესაბამისად. ამ სტანდარტებით განსაზღვრული ჩვენი პასუხისმგებლობები დეტალურად აღწერილია ჩვენი დასკვნის - „აუდიტორის პასუხისმგებლობა ფულადი სახსრების მიღებისა და გახარჯვის ანგარიშგების აუდიტზე“ - ნაწილში. ჩვენ დამოუკიდებლად ვართ ორგანიზაციისგან ბუღალტერთა ეთიკის საერთაშორისო სტანდარტების საბჭოს (ბესსს) პროფესიონალი ბუღალტრების ეთიკის კოდექსის და იმ ეთიკური ნორმების შესაბამისად, რომლებიც ეხება ჩვენ მიერ ჩატარებულ ფულადი სახსრების მიღებისა და გახარჯვის ანგარიშგების აუდიტს საქართველოში; გარდა ამისა, შევასრულეთ ბესსს-ის ეთიკის კოდექსით გათვალისწინებული სხვა ეთიკური ვალდებულებებიც.

გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

მნიშვნელოვანი გარემოებათა აზიზი - ბუღალტრული აღრიცხვის საფუძველი და მოსაზრების გაგრძელების შეზღუდვა

ჩვენ გვინდა გავამახვილოთ თქვენი ყურადღება მე-2 შენიშვნაზე, სადაც აღწერილია ფულადი სახსრების მიღებისა და გახარჯვის ანგარიშგების მომზადების საფუძველი. ფულადი სახსრების მიღებისა და გახარჯვის ანგარიშგება მომზადებულია ორგანიზაციის მიერ ფულადი სახსრების მიღებისა და გაცემის შესახებ ინფორმაციის დონორებისთვის მიწოდების მიზნით. შესაბამისად, ფულადი სახსრების მიღებისა და გახარჯვის ანგარიშგება შესაძლოა არ იყოს გამოსადეგი სხვა მიზნებისთვის. ჩვენი დასკვნა განკუთვნილია მხოლოდ ორგანიზაციის და მისი დონორებისთვის. ჩვენი მოსაზრება ამ საკითხთან მიმართებაში მოდიფიცირებული არ არის.

ხელმძღვანელობასა და მეთვალყურეობაზე პასუხისმგებელ პირთა პასუხისმგებლობა ფულადი სახსრების მიღებისა და გახარჯვის ანგარიშგებაზე

ხელმძღვანელობა პასუხისმგებელია ფულადი სახსრების მიღებისა და გახარჯვის წინამდებარე ანგარიშგების მომზადებაზე ფულადი სახსრების მიღებისა და გაცემის ბუღალტრული აღრიცხვის საფუძველზე, რომელიც აღწერილია ფულადი სახსრების მიღებისა და გახარჯვის ანგარიშგების მე-2 შენიშვნაში და ანგარიშგების მომზადების საფუძვლის მისაღებაზე, ასევე, შიდა კონტროლზე, რომელსაც იგი აუცილებლად მიიჩნევს ისეთი ფულადი სახსრების მოძრაობის ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

მეთვალყურეობაზე პასუხისმგებელი პირები პასუხისმგებლები არიან ფონდის ფულადი ნაკადების ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა ფულადი სახსრების მიღებისა და გახარჯვის ანგარიშგების აუდიტზე

ჩვენი მიზანია, მივიღოთ გონივრული რწმუნება, შეიცავს თუ არა მოცემული ფულადი სახსრების მიღებისა და გახარჯვის ანგარიშგება მთლიანობაში თაღლითობით ან შეცდომით გამოწვეულ არსებით უზუსტობებს და გავცეთ დასკვნა, რომელიც მოიცავს ჩვენს მოსაზრებას. გონივრული რწმუნება არის რწმუნების მაღალი დონე, მაგრამ ის არ წარმოადგენს რწმუნებას იმისა, რომ აუდიტის საერთაშორისო სტანდარტების საფუძველზე ჩატარებული აუდიტი ყოველთვის შეძლებს არსებითი უზუსტობების გამოვლენას.

უზუსტობები შესაძლოა წარმოიშვას თაღლითობის ან შეცდომის შედეგად და არსებითად განიხილება, თუ არსებობს გონივრული მოლოდინი იმისა, რომ ცალ-ცალკე ან ერთობლივად, გავლენას მოახდენს მომხმარებელთა ეკონომიკურ გადაწყვეტილებებზე, რომლებიც მიიღება წინამდებარე ფულადი სახსრების მოძრაობის ანგარიშგების საფუძველზე.

აუდიტის საერთაშორისო სტანდარტების (ასს) თანახმად, ჩვენ ვიყენებთ პროფესიულ მსჯელობას და ვინარჩუნებთ პროფესიულ სკეპტიციზმს. ჩვენ ასევე:

- ვადგენთ და ვაფასებთ ფულადი სახსრების მიღებისა და გახარჯვის ანგარიშგებაში თაღლითობის ან შეცდომის შედეგად არსებითი უზუსტობების დაშვების რისკებს, ვგეგმავთ და ვასრულებთ აუდიტორულ პროცედურებს ამ რისკებზე რეაგირების მიზნით და მოვიპოვებთ აუდიტორულ მტკიცებულებებს, რომლებიც საკმარისი და შესაფერისია ჩვენი მოსაზრების გამოსათქმელად საჭირო საფუძვლის შესაქმნელად. თაღლითობის შედეგად წარმოშობილი არსებითი უზუსტობის ვერ აღმოჩენის რისკი უფრო მაღალია, ვიდრე შეცდომით გამოწვეული არსებითი უზუსტობის, რადგან თაღლითობა შესაძლოა მოიცავდეს ფარულ გარიგებებს, გაყალბებებს, ინფორმაციის განზრახ გამოტოვებას, ინფორმაციის არასწორად წარმოდგენას ან შიდა კონტროლის უგულებელყოფას;
- შევისწავლით აუდიტისთვის მნიშვნელოვან შიდა კონტროლს, რათა დავგეგმოთ მოცემული კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ ორგანიზაციის შიდა კონტროლის ეფექტიანობაზე;
- ვაფასებთ ხელმძღვანელობის მიერ გამოყენებული სააღრიცხვო პოლიტიკების მიზანშეწონილობას, ასევე ხელმძღვანელობის მხრიდან წარმოდგენილი სააღრიცხვო შეფასებებისა და განმარტებითი შენიშვნების გონივრულობას;

სხვა საკითხებთან ერთად ჩვენ კომუნიკაცია გვაქვს მეთვალყურეობაზე პასუხისმგებელ პირებთან აუდიტის მასშტაბზე, ვადებსა და აუდიტის შედეგად აღმოჩენილი მნიშვნელოვანი საკითხების შესახებ, მათ შორის შიდა კონტროლის ნაკლოვანებების შესახებ.

გარიგების პარტნიორი, რომელიც პასუხისმგებელია აუდიტზე, რომლის შედეგებიც ასახულია დამოუკიდებელი აუდიტორის დასკვნაში, არის:

ეკატერინე კოპალიანი (რეესტრში რეგისტრაციის ნომერი SARAS-A-932874)

შპს „ბიდიოს“ სახელით

თბილისი, საქართველო

11 ოქტომბერი, 2024

აიპ „ჩერნოვეცის ფონდი“

ფულადი სახსრების მიღებისა და გახარჯვის ანგარიშგება

2023 წლის 31 დეკემბრისთვის

(ქართულ ლარში)

	შენიშვნა	2023	2022
ფულადი სახსრებისა და მათი ეკვივალენტების საწყისი ნაშთი		275,902	257,559
მიღებული ფულადი სახსრები			
იურიდიული პირების მიერ განხორციელებული შენატანები	3	777,465	706,200
საქველმოქმედო შემოწირულობები		66,537	39,388
ფიზიკური პირების მიერ განხორციელებული პირდაპირი შენატანები		1,416,976	575,251
სხვა		134	684
სულ მიღებული ფულადი სახსრები		2,261,112	1,321,523
გაცემული ფულადი სახსრები			
პროგრამა სპეციალური საჭიროება ბენეფიციარებს	4	(1,378,037)	(970,506)
ადმინისტრაციული ხარჯები	5	(271,983)	(280,664)
სულ გაცემული ფულადი სახსრები		(1,650,020)	(1,251,170)
წმინდა მოგება/(ზარალი) საკურსო სხვაობიდან		858	(52,010)
ფულადი სახსრებისა და მათი ეკვივალენტების საბოლოო ნაშთი		887,852	275,902

ფულადი სახსრების მიღებისა და გახარჯვის წინამდებარე ანგარიშგება დამტკიცებულია და ხელმოწერილია ხელმძღვანელობის მხრიდან 2024 წლის 11 ოქტომბერს შემდეგი პირის მიერ:

დირექტორი



ევენია მელგუნოვა

6 – 7 გვერდებზე წარმოდგენილი შენიშვნები ფულადი სახსრების მიღებისა და გახარჯვის წინამდებარე ანგარიშგების განუყოფელი ნაწილია.

ააიპ „ჩერნოვეცის ფონდი“

ფულადი სახსრების მიღებისა და გახარჯვის ანგარიშგების განმარტებითი შენიშვნები

2023 წლის 31 დეკემბრისთვის

(ქართულ ლარში)

1. ზოგადი ინფორმაცია

არასამთავრობო ორგანიზაცია ააიპ „ჩერნოვეცის ფონდი“ („ორგანიზაცია“) 2012 წლის 10 აპრილიდან დაფუძნდა და დახმარებას უწევს სოციალურად დაუცველ საქართველოს მოქალაქეებს; მრავალშვილიან ოჯახებს, მზრუნველობამოკლებულ ბავშვებს, საწოლს მიჯაჭვულ ხანდაზმულებსა და შეზღუდული შესაძლებლობების მქონე პირებს. ორგანიზაციის დამფუძნებელია საქართველოს მოქალაქე ლეონიდა ჩერნოვეცი. ორგანიზაციის იურიდიული მისამართია: საქართველო, თბილისი, ნუცუბიძის მეორე მ/რ, ბ. ჟღენტის ქუჩა, # 11.

ორგანიზაცია ფინანსებს მოიზიდავს დონორებისა და ფიზიკური და იურიდიული პირების მიერ განხორციელებული შენატანებით.

2023 წლის განმავლობაში ორგანიზაციის საქმიანობა მოიცავდა შემდეგ მიმართულებებს/პროგრამებს:

- პროგრამა დახმარება სამისამართო პროექტების ბენეფიციარებს - დახმარება მრავალშვილიანი ოჯახებისთვის - პროგრამის მიზანია, დაეხმაროს მოწყვლად ჯგუფებსა და მრავალშვილიან ოჯახებს - დახმარება მათ ვისაც ესაჭიროება მკურნალობა და ოპერაცია. ბენეფიციარების შესახებ ინფორმაცია განთავსებულია ორგანიზაციის ვებ-გვერდზე. ორგანიზაცია ცალ-ცალკე იღებს შემოწირულობებს თითოეული ბენეფიციარისთვის და ეხმარება მათ თავიანთი საჭიროებების დაკმაყოფილებაში. 2023 წლის განმავლობაში ორგანიზაციამ 155 ოჯახს გაუწია სამედიცინო დახმარება და ასევე უზრუნველყო საყოფაცხოვრებო და კომპიუტერული ტექნიკით, ავეჯით, ველოსიპედებით, სასკოლო ნივთებით, ტელეფონებით, სამშენებლო მასალებით, ტანსაცმლით, საკვებითა და სხვა საყოფაცხოვრებო ნივთებით.

2. მომზადების საფუძვლები

ფულადი სახსრების მიღებისა და გახარჯვის ანგარიშგება მომზადებულია ორგანიზაციის მიერ ფულადი სახსრების მიღებისა და გაცემის შესახებ ინფორმაციის დონორებისთვის მიწოდების მიზნით, ფულადი სახსრების მიღებისა და გაცემის ბუღალტრული აღრიცხვის საფუძველზე, რაც საქართველოში ფართოდ დამკვიდრებული ბუღალტრული აღრიცხვის პრინციპებისგან განსხვავებით ბუღალტრული აღრიცხვის სრულყოფილი საფუძველია. ამ საფუძველით შემოსავლის აღიარება ხდება მისი მიღებისა და არა გამომუშავებისას, ხოლო ხარჯებს აღიარებენ მათი გადახდის და არა წარმოშობის მომენტისთვის.

ფინანსური ინფორმაცია წარმოდგენილია ქართული ლარის ვალუტაში, თუ სხვაგვარად არ არის მითითებული.

3. იურიდიული პირების მიერ განხორციელებული შენატანები

	2023	2022
SERVIDEN ENTERPRISES LIMITED	770,516	693,795
სხვა იურიდიული პირები	6,949	12,405
სულ	777,465	706,200

4. პროგრამა სპეციალური საჭიროება ბენეფიციარებს

პროგრამასთან დაკავშირებით გაცემული ფულადი სახსრები გამოიყურება შემდეგნაირად:

	2023	2022
დახმარება ბენეფიციარებს	(657,254)	(446,805)
პირდაპირ დაკავშირებული ხელფასის ხარჯები	(328,867)	(305,447)
მარკეტინგის ხარჯი	(391,916)	(218,254)
სულ	(1,378,037)	(970,506)

აიპ „ჩერნოვეცის ფონდი“

ფულადი სახსრების მიღებისა და გახარჯვის ანგარიშგების განმარტებითი შენიშვნები

2023 წლის 31 დეკემბრისთვის

(ქართულ ლარში)

5. ადმინისტრაციული ხარჯები

	2023	2022
დაქირავებულ მომუშავეთა გასამრგელოები	(89,594)	(132,837)
ქირის ხარჯი	(63,000)	(65,100)
ავტო და ტექნიკა	(46,885)	(25,780)
აუდიტის ხარჯი	(26,859)	(22,407)
კომუნალური ხარჯები	(12,542)	(13,287)
ბანკის საკომისიო გადასახადები	(3,509)	(1,426)
დაზღვევა	(2,420)	(2,671)
ჰიგიენური საშუალებები	(1,848)	(1,339)
დაცვის მომსახურება	(1,632)	(1,632)
პროგრამული უზრუნველყოფა	(1,251)	(1,460)
საკანცელარიო საჭონელი	(1,096)	(919)
სხვა	(21,347)	(11,806)
სულ	(271,983)	(280,664)

2023 წელს ფონდის თანამშრომელთა რაოდენობა 18 ადამიანს შეადგენდა, მათ შორის 6 ადმინისტრაციული ფუნქციების მქონე თანამშრომელი, ხოლო 12 სპეციალურ პროგრამებზე მომუშავე.

6. ოპერაციები დაკავშირებულ მხარეებთან

ორგანიზაცია ახორციელებს გარიგებებს დაკავშირებულ მხარეებთან ჩვეულებრივი საქმიანობის პირობებში. მხარეები ითვლება დაკავშირებულად, თუ ერთ მხარეს აქვს უნარი, გააკონტროლოს მეორე მხარე ან მნიშვნელოვანი გავლენა მოახდინოს მეორე მხარის ფინანსურ და საოპერაციო გადაწყვეტილებებზე. დაკავშირებული მხარეები არიან ფიზიკური პირები (და მათი უშუალო ოჯახის წევრები) / იურიდიული პირები, რომლებიც კონტროლს ახორციელებენ ან მნიშვნელოვან გავლენას ახდენენ ორგანიზაციაზე.

ორგანიზაციის მთავარი დონორი და დამფუძნებელია ლეონიდ ჩერნოვეცკი. 2023 და 2022 წლების განმავლობაში ორგანიზაციამ საქველმოქმედო შემოწირულობების სახით მიიღო 770,516 ლარი და 693,795 ლარი, შესაბამისად „Serviden Enterprises Limited“-ისგან. აღნიშნული კომპანია იმყოფება ლეონიდ ჩერნოვეცკის კონტროლის ქვეშ.

2023 და 2022 წლების განმავლობაში ორგანიზაციამ, ხელფასის სახით, ფონდის ხელმძღვანელობას გადაუხადა 91,044 ლარი და 133,127 ლარი, შესაბამისად.

CONTACT

2 Tarkhnishvili Street
Vere Business Center
0108 Tbilisi, Georgia
☎ +995 32 254 58 45
☎ +995 32 218 81 88

BDO Georgia LLC, BDO Audit LLC, BDO Consulting LLC, BDO Legal LLC, BDO HR&Payroll LLC and BDO Startup Fund LLC, Georgian limited liability companies, are members of BDO International Limited, a UK company limited by guarantee, and forms part of the international BDO network of independent member firms.

BDO is the brand name for the BDO network and for each of the BDO Member Firms.

Copyright © 2023 BDO. All rights reserved. Published in Georgia.

www.bdo.ge



Mixed Sources
Product group from well-managed
forests and other controlled sources

www.fsc.org Cert. no. CQ-COC-000010
© 1996 Forest Stewardship Council

FEDRIGONI, Canova paper.
Completely biodegradable and recyclable.

BDO